

# SCRIPTA

---

**Numéro Scripta** : 784

**Auteur(s)** : Guy, Saint-Fuscien, Saint-Fuscien-aux-Bois (abbé)

**Bénéficiaire(s)** : Le Tréport, Saint-Michel (abbaye)

**Genre d'acte** : charte

**Authenticité** : non suspect

**Datation** : 1281, juillet

**Action juridique** : échange

**Langue du texte** : latin

## Analyse

Échange fait, par les moines de Saint-Fuscien-au-Bois, de leurs droits sur les dîmes de Beaucamps-le-Jeune et de la Fresnoye, contre les dîmes perçues par les moines du Tréport dans la couture de Bretisel, de la paroisse de Saint-Germain-sur-Bresle

## Tableau de la tradition

### Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CCXXVII, p. 257-259.

Texte établi d'après a

Universis presentes litteras inspecturis G[uido], humilis abbas ecclesie Sancti Fusciani de Nemore, totusque ejusdem loci conventus, Ambianensis diocesis, salutem in Domino. Cum nos percipiebamus, ab antiquis temporibus, decimas quasdam quas nos habebamus in territorio et pertinentiis de Bellocampo Juniore et de Fraisnoia, videlicet in cultura de Bretisel et in pertinentiis earumdem, et in quocumque loco existunt ultra Caudam Comitisse, de diocesi Rothomagensi, pertinentes ad usus prioratus Sancti Germani, Ambianensis diocesis, et e converso viri religiosi abbas et conventus monasterii Sancti Michaelis de Ulteriori Portu, dicte Rothomagensis diocesis, perciperent et haberent similiter, ab antiquis temporibus, quasdam decimas sitas in cultura de Bretisel, in parrochia Sancti Germani predicti, et in omnibus appenditiis pertinentibus ad priorem prioratus Sancti Nicolai de le Fresnoie, dicte Rothomagensis diocesis, videlicet in terris et in curtillis sitis in diocesi Ambianensi, noverint quod nos, abbas et conventus dicte ecclesie Sancti Fusciani, dicte Ambianensis diocesis, de consilio bonorum, quittavimus et quittamus in perpetuum predictis abbati et conventui de Ulteriori Portu et priori prioratus Sancti Nicholai de le Fresnoie, predictae Rothomagensis diocesis, totum jus et omnem actionem quod et quam habebamus in predictis decimis de territorio de Bellocampo Juniore et de le Fresnoie predictae, et nos, annis singulis, tenemur reddere priori de le Fresnoie quatuor minas bladi ad mensuram Albemallie, et hoc nomine monasterii Sancti Michaelis de Ulteriori Portu, et cum hoc tres minas avene bone et legalis ad eandem mensuram ; que mine bladi et avene singulis annis capientur in grangia prioratus Sancti Germani, infra festum Omnium Sanctorum, et valor bladi debet esse quelibet mine sex denariorum minoris pretii blado meliore. Et modo predicti abbas et conventus Sancti Michaelis supradicti quitant nobis et quitaverunt omne jus et omnem actionem quod et quam ipsi habebant et habere poterant ac reclamare in perpetuum, in decimis quas habebant et percipiebant in diocesi Ambianensi pertinentiis, ad priorem prioratus Sancti Germani antedicti. In cujus rei testimonium, presentes litteras sigillorum nostro rum munimine fecimus roborari. Actum anno Domini M°. CC°. octogesimo primo, mense julio.